



Silap pissusianut, Nukissiutinut Pilersuinernullu
Ministereqarfik Nunalerinermut, Imminut Pilersornermut, Nukissiutinut
Avatangiisinullu Naalakkersuisoqarfik

20. juni 2024

**Naalagaaffiit Peqatigiit silap pissusianut nunani tamalaani
isumaqatigiissutaata ataani nunani tamalaani silap pissusiata
isumaqatiginninniutigineqarnissaa pillugu Naalakkersuisut aamma
danskit naalakkersuisuisa akornanni suleqatigiinnissamut
isumaqatigiissut**

1. Siunertaa

1.1 Naalagaaffiit Peqatigiit silap pissusianut nunani tamalaani
isumaqatigiissutaata ataani nunani tamalaani silap pissusiata
isumaqatiginninniutigineqarnerani Naalakkersuisut aamma danskit
naalakkersuisuisa akornanni pilersitsiviulluartumik isumaqarluartumillu
suleqatigiinnissaq nukittorsarniarlugu, isumaqatigiissummi matumani
suleqatigiinnissamut tunngaviusut aalajangersarneqarput.
Isumaqatigiissummi siunertaavoq Naalagaaffiit Peqatigiit ataanni silap
pissusianut nunani tamalaani isumaqatigiissutip ataani nunani tamalaani
silap pissusiata isumaqatiginninniutigineqarnerani kalaallit soqutigisaasa
isumagineqarnissaat pillugu suleqatigiinnerup nukittorsarneqarnissaa,
tulliuttunut tunngatillugu:

- Kalaallit Nunaata soqutigisaanik isumaginninnissaq
- Nunani tamalaani isumaqatiginninniarnert ingerlanerini
paasiniaasarneq, peqataatitsineq aamma peqataasarneq
- Paasissutissanik pissarsisinnaaneq
- Kalaallit Nunaata ersarinnerulersinnissaa

2. Suleqatigiinnissamut sinaakkutissat

2.1 Kalaallit Nunaanni Namminersorneq pillugu Inatsit naapertorlugu inuiaat
kalaallit inuiattut, naalagaaffiup innuttaasunut pisussaaffii naapertorlugit

namminneerlutik aalajangiisinnaasutut akuersaarneqarneri, taamatullu Danmarkip aamma Kalaallit Nunaata akornanni suleqatigiinnermi naligiinnissaq ataqpeqatigiinnissarlu pillugit namminersornermut inatsimmi tunngaviusut suleqatigiinnissamut isumaqatigiissummi tunngavigineqarput, illuatungeriinnit ILO-mi isumaqatigiissut nr. 169, nunat inuiinut naggueqatigiinnullu tunngasoq, taamatullu Nunat inuiisa pisinnaatitaaffii pillugit Naalagaaffiit Peqatigiit Nalunaarutaat (UNDRIP) ataqpineqarmata siuarsarniarneqarlutillu.

- 2.2 Suleqatigiinnissamut isumaqatigiissut Kunngaqarfiup Danmarkip Naalagaaffiit Peqatigiit silap pissusia pillugu isumaqatigiissummut suleqataaffiginninneratut, aammalu pisut ilaanni Kalaallit Nunaata immikkut ittumik eqqarsaatigineqartussaaffiuneratut isigineqassaaq. Inuiaat pisinnaatitaaffiisigut isumaqatigiissutit, danskit naalakkersuisuinit isumaqatiginninniutigineqartut isumaqatigiissutigineqartullu, aammalu immikkut Kalaallit Nunaannut pingaaruteqartut pillugit isumaqatiginninniarnarit pillugit danskit naalakkersuisuisa aamma Naalakkersuisut akornanni suleqatigiinnissamut isumaqatigiissuteqarnissamut periarfissaqarneq Namminersornermut inatsimmi § 13-imi aalajangersarneqarpoq. Naalakkersuisut isummersuutaat isumaqatiginninniarnissanut piareersarnerni naligiiffiusumik isummerfigineqarlutik ilaatinneqassapput.
- 2.3 Tamanna pillugu nalornisoqalissappat, danskit naalakkersuisuisa erseqqissaatigisassavaat, Kunngaqarfik Danmark Naalagaaffiit Peqatigiit silap pissusia pillugu isumaqatigiissutaanut suleqataasoq, aamma Kunngaqarfik Danmark tassaasoq Danmark, Savalimmiut aamma Kalaallit Nunaat.
- 2.4 Namminersorlutik Oqartussat suliassaqarfik silap pissusia akisussaaffigilerlugu tigoreerpaat, tamatumalu malitsigisaanik Namminersorlutik Oqartussat Kalaallit Nunaata silap pissusianut politikianik aalajangersaanissamut aalajangiisinnaatitaapput. Tamatuma malitsigisaanik aamma Kalaallit Nunaata silap pissusianut politikkiata, namminersornermut inatsimmi killissaliussat iluanni, ersarissuutinnissaanut oqariartuutiginissaanullu piginnaatitaapput.
- 2.5 Isumaqatigiissut Naalagaaffiit Peqatigiit silap pissusianut isumaqatigiissutip, kiisalu suliat tassunga toqqaannartumik attuumassutillit ataanni nunani tamalaani silap pissusia pillugu isumaqatiginninniarnernut tunngasuvoq.
- 2.6 Kalaallit Nunaata Parisimi isumaqatigiissummi nunap immikkoortuatut nangaassuteqarneranik nalunaarummik atorunnaarsitsinermi, Kalaallit Nunaat Kalaallit Nunaanni nunat tamalaat pisussaaffiisa malittarisassaasalu akuerisat iluanni nunami namminerimi annikillisisinissamut anguniagassanik suliqartussaavoq. Kalaallit Nunaanni nunami namminerimi

annikillititsinissamut anguniagassatut aalajangersarneqartut Naalakkersuisut danskit naalakkersuisuinut isumaqatigiissuteqareernerini UNFCCC-p allattoqarfianut nassiunneqassapput. Naalakkersuisut qinnuteqarnerini danskit naalakkersuisui suliamei tassani ikiuutissapput.

3. Kalaallit Nunaata soqutigisaanik isumaginninneq

- 3.1 Naalakkersuisut aamma danskit naalakkersuisui ukiumoortumik ataatsimeeqatigiittassapput, suleqatigiinnissamut isumaqatigiissutip atuutsinneqalenera, kiisalu ilanngussami suliassa qarfiit nutartigassat oqaluuserisassallugit (tak. imm. 3.2). Naalakkersuisut ingerlaavartumik suliassa qarfiit allat, Kalaallit Nunaannut immikkut ittumik isumallit pillugit danskit naalakkersuisuinut nalunaaruteqartassapput, tamatumalu kingorna danskit naalakkersuisuisa oqaloqatigineqarneri aallartinneqartassallutik.
- 3.2 Suliassa qarfinnut, Naalakkersuisut danskit naalakkersuisuinit taperserneqarlutik Kalaallit Nunaannut immikkut ittumik isigisaannut assersuutit isumaqatigiissummut matumunnga tapiliussami allassimapput. Tapiliussami assersuutit kisimik allassimapput, Naalakkersuisut aamma danskit naalakkersuisuisa akornanni isumaqatigiinnikkut pisariaqartillugu nutarterneqarsinnaallutik.
- 3.3 Sinaakktissatut allattukkat Kunneqarfik Danmarkimut, sumiiffinnut immikkut ittumik Kalaallit Nunaannut isumaqartunut tunngasut (tak. imm. 3.1 aamma 3.2) suliarineqarput. Sinaakktissatut allattukkat pisariaqartitsineq malillugu nutarterneqartarsinnaapput. Sinaakktissatut allattukkat aamma sumiiffinnut, Savalimmiuniit soqutigisaqarfigineqartunut tunngappata, tamanna sinaakktissatut allattukkani ersersinneqassaaq
- 3.4 Kalaallit Nunaata nunap inuiisa pisinnaatitaaffii susassa qarfiillu aammalu Issittoq pineqartillugit pisuni ataatsimiinnernilu tamani peqataatinneqartarnissaa danskit naalakkersuisuinit tapersersorneqassaaq.
- 3.5 Danskit naalakkersuisuisa – UNFCCC-mi tunngavissat suleriaatsillu sukulluunniit atuuttut iluanni – Kalaallit Nunaat silap pissusianut tapiiffigineqarnissamut, aammalu pisinnaasanik annertusaanermut, kiisalu silap pissusia pillugu suliniutini, Kalaallit Nunaanni mingutsitsinngitsunut allannguinnissamut iluaqutaasinnaasuni allani periarfissat pillugit ikiortassavaat.

4. Nunani tamalaani silap pissusia pillugu isumaqatiginninniarnerni paasiniaasarneq, peqataatitsineq aamma peqataasarneq

- 4.1 EU-mi isummernissamut tamarmiusumut isumaqatiginninniarnernut atatillugu Naalakkersuisut ingerlaavartumik paasiniaaffigineqartassapput.

- 4.2 Suliassaqarfinni, Kalaallit Nunaannut immikkut ittumik isumalittut Naalakkersuisunit naliliiffigineqartuni (tak. imm. 3.1 aamma 3.2), Naalakkersuisut EU-p danskit oqartussaqarfii naligalugit isumaata aalajangerneqarnissaata tungaanut suliap ingerlanerani, kiisalu suliani tassunga attuumassutilinnut atatillugu suleqataassapput.
- 4.3 Naalakkersuisut Kunngeqarfik Danmarkip isumaqatiginninniartartuisa ilaattut nunani tamalaani silap pissusiata isumaqatiginninniutigineqarnerani peqataassapput, tassungalu ilanngullugu suleqatigiissitanut attuumassutilinnut, ataatsimiititalianut assigisaannullu, nunani tamalaani silap pissusia pillugu suleqatiginnermut atatillugu pilersinneqartunut sapinngisamik annertunerpaamik peqataasassallutik.
- 4.4 Naalakkersuisut EU-mi suleqatigiit ataqatigiissaaralutik ataatsimiinnerinut sapinngisamik annertunerpaamik peqataasinnaatitaassapput. Naalakkersuisut ataatsimiinnernut taamaattunut peqataatillutik, Kunngeqarfik Danmarkip isumaqatiginninniartartuinut ilaasassapput, sullissisutut immikkoortutut pinnatik.
- 4.5 Isumaqatiginninniarnarit nalaanni naalakkersuisut sinaakktissanut allattorsimaffianniit (tak. imm. 3.3) annertuunik allaanerussutilinnik pisoqalissappat, danskit naalakkersuisuisa tamanna pillugu Naalakkersuisut paasiniaaffigissavaat. Taamatut paasiniaaneq assersuutigalugu danskit naalakkersuisuisa aamma Naalakkersuisut sinniisaasa, isumaqatiginninniarnarit nalaanni najuuttut akornanni ataatsimiinnertut ilusilimmik pisinnaavoq.
- 4.6 EU-p siunnerfii pillugit isumaqatiginninniarnarit nalaanni EU-p soqutigisaasa aamma sinaakktissatut allattukkat (tak. imm. 3.3) akornanni aaqqiagiinngitsoqalissappat, sapinngisamik aaqqiissutissanik, sinaakktissatut allattukkami allassimasunik naammassinniffiusunik nassaarniartoqassaaq.
- 5. Paasissutissanik pissarsisinnaaneq**
- 5.1 Danskit naalakkersuisuisa nunani tamalaani silap pissusia pillugu isumaqatiginninniarnarni pissutsit pillugit allagaatit paasissutissallu allat, Kalaallit Nunaannut immikkut ittumik isumallit sapinngisamik siusinnerpaamik ingerlateqqittassavaat (tak. imm. 3.1 aamma 3.2).
- 5.2 Paasissutissat, nunani tamalaani silap pissusia pillugu isumaqatiginninniarnarnut attuumassutillit pillugit apeqqutissaqartoqarpat, danskit naalakkersuisuisa Kalaallit Nunaat ikiussavaa.

5.3 Paasissutissanut danskit oqartussa qarfiisa EU-mi isertuussinissaq pillugu maleruagassat naapertorlugit suliarisassaannut, Naalakkersuisut taamaaqataanik isertuussinissamik pisussaaffilerneqassapput.

6. Kalaallit Nunaata ersarissuutinneqarnera

6.1 Danskit naalakkersuisuisa aamma Naalakkersuisut tamanna naleqquttuusorippassuk, danskit naalakkersuisui Kalaallit Nunaata inissisimaneranut aammalu Naalakkersuisut silap pissusianut suliaasaqarfimmi suliniutaannik ersarissaanissamut peqataassapput.

6.2 Taamatut ersarissaaneq assersuutigalugu danskit naalakkersuisuisa nunami namminer mi nalunaarutaatigut ("national statement") pisinnaavoq aammalu isumaqatiginninniarnernut atatillugu "side-events" pilersaarusiorneqarnissaannut periarfissaqarnissaq aqqutissiuunneqarsinnaalluni.

6.3 Aamma ersarissuutitsineq Kalaallit Nunaata naatsorsukkanut nalunaarutinullu tapiliussa atigut pissaaq.

7. Tatiginassuseqarnermut tunngaviusoq

7.1 Danskit naalakkersuisui aamma Naalakkersuisut naligiillutik EU-mi tatiginassuseqarnissamik pisussaaffeqarnerup imarisai UNFCCC-mi isumaqatiginninniarnissanut EU-p isumaqatiginninniarnermi inissisimanerata akuerineqarnissaata tungaanut naammassisimassavaat. Naalakkersuisunut tunngatillugu suleqatigiinnissamut isumaqatigiissut manna malillugu tatiginassuseqarnermut tunngaviusoq, Kalaallit Nunaata isumaqatiginninniarnernup ingerlaneranut immikkut periarfissaqartinneqarneranik tunngavilersorneqarpoq.

7.2 Kalaallit Nunaat EU-mi ilaasortaannngilaq, taamaattumillu EU-mi isummernermut imaluunniit isumaqatiginninniarnerni inissisimaner mut, taassuma akuerineqarnerani, pisussaaffeqarani. Isumaqatiginninniarnerni EU-p isumaqatiginninniarnermi inissisimanerata akuerineqareernerata kingorna Naalakkersuisut soorunami EU-p isummernera pillugu killilersugaanatik oqaaseqarsinnaapput.

8. Naggasiutitut aalajangersakkat

8.1 Ministeri imaluunniit ministeria nunani tamalaani silap pissusia pillugu isumaqatigiissutinut tunngassutilinnik avammut suliaakkiiniarluni aalajangerpat, ministerip imaluunniit ministeriap piginnaasaqarfiup suliaakkiissutigineqartup isumaqatigiissut manna naapertorlugi aqunneqarnissaa qulakkiissavaa.

8.2 Naalakkersuisut aamma danskit naalakkersuisui isumaqatigiissutip isumaqatiginninniutigineqaqqinnissaanik aallartitsisinnaapput.

- 8.3 Isumaqatigiissut danskisut aamma kalaallisut allassimassaaq, isumaqatigiissutillu allanneri marluusut isumaqatigiissutip nassuiarneqarnerani naligiimmik inissisimassapput.
- 8.4 Isumaqatigiissutip matuma Naalagaaffiit Peqatigiit silap pissusianut nunani tamalaani isumaqatigiissutaata ataani nunani tamalaani silap pissusiata isumaqatiginninniutigineqarnissaa pillugu suleqatigiinnissamut danskil naalakkersuisuisa aamma Naalakkersuisut isumaqatigiissutaat 15. august 2012-imeersoq taarserpaa.

Nuuk ulloq 20. juni 2024

Danskil naalakkersuisui sinnerlugit

Dan Jørgensen

Ineriartortitsinermit suleqatigiinnermut aamma nunarsuarmi silap pissusianut politikkimut ministeri

Naalakkersuisut sinnerlugit

Kalitat Lund

Nunalerinnermut, Imminut Pilersornermut, Nukissiutinut Avatangiisinullu Naalakkersuisoq

Ilanngussaq

Isumaqatiginninniarnernik ingerlataqarnnut, Kalaallit Nunaannik piareersaanerni aallartitsinernilu siunnersuisunut assersuutit tassaapput: Bonn-imi ataatsimiinnerit, UNFCCC CoP aamma Pre-CoP.

Suliassaqarfinnut Kalaallit Nunaata immikkut soqutiginartutut isigisaannut assersuutissat tassaapput:

- Nunap inuui
- Issittoq
- Pisinnaasanik annertusaaneq aamma silap pissusianut tapiissutit
- Nukissiutininik allannguineq aamma teknologiinik nuussisarneq